



МОНГОЛ УЛС
ГОВЬ-АЛТАЙ АЙМГИЙН
ЗАСАГ ДАРГЫН
ЗАХИРАМЖ

20~~20~~ оны 11 сарын 12 өдөр

Дугаар 8/638

Алтай хот

Г Бүх нийтийн бэлэн байдлын зэрэгт
шилжүүлсэнтэй холбоотойгоор авч хэрэгжүүлэх
зарим арга хэмжээний тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 29 дүгээр зүйлийн 29.2 дахь хэсэг, 32 дугаар зүйлийн 32.7 дахь хэсэг, Гамшгаас хамгаалах тухай хуулийн 11 дүгээр зүйлийн 11.3.2 дахь заалт, 32 дугаар зүйлийн 32.1.1 дэх заалт, Коронавируст халдварт (Ковид-19) цар тахлаас урьдчилан сэргийлэх, нийгэм, эдийн засагт үзүүлэх сөрөг нөлөөллийг бууруулах тухай хууль, Монгол Улсын Үндэсний аюулгүй байдлын Зөвлөмжийн 2020 оны 11 дүгээр сарын 11-ний өдрийн 26/16 дугаар зөвлөмж, Засгийн газрын 2020 оны 11 дүгээр сарын 11-ний өдрийн 178 дугаар тогтоол, Эрсдэлийн үнэлгээний 14 дүгээр зөвлөмж, Улсын онцгой комиссын 2020 оны 12 дугаар тогтоол, аймгийн Онцгой комиссын 11 дүгээр сарын 11-ний өдрийн 24 дүгээр хурлын шийдвэрийг тус тус үндэслэн ЗАХИРАМЖЛАХ нь:

1. Коронавируст халдварт (COVID-19)-ын цар тахалтай тэмцэх хариу арга хэмжээг эрчимжүүлэх, урьдчилан сэргийлэх, Дэлхийн эрүүл мэндийн байгууллагаас гаргасан зөвлөмжийг хэрэгжүүлэх зорилгоор аймгийн хэмжээнд Засаг захиргаа, нутаг дэвсгэрийн нэгж, төрийн болон нутгийн захиргааны байгууллага, иргэн, хуулийн этгээдийг 2020 оны 11 дүгээр сарын 12-ны өдрийн 06:00 цагаас 2020 оны 11 дүгээр сарын 17-ны өдрийн 06:00 цаг хүртэлх хугацаанд гамшгаас хамгаалах бүх нийтийн бэлэн байдлын зэрэгт шилжүүлсүгэй.

2. Бүх нийтийн бэлэн байдлын зэрэгт шилжүүлсэн хугацаанд аймаг, сумаас гарах, орох хөдөлгөөнийг зогсоож, Гамшгаас хамгаалах тухай хуулийн 10 дугаар зүйлүйн 10.3, 10.4 дэх хэсэгт заасан арга хэмжээг хэрэгжүүлэх, зөвхөн Засгийн газрын 2020 оны 11 дүгээр сарын 11-ний өдрийн 178 дугаар тогтоолын хавсралтад зааснаас бусад төрийн байгууллага, хуулийн этгээдийн үйл ажиллагааг хязгаарлаж, хяналт тавьж ажиллахыг Цагдаагийн газар (Н.Эрдэнэ-Очир), Мэргэжлийн хяналтын газар (Г.Гантулга), Онцгой байдлын газар

(3.Баттулга), аймаг, сумын онцгой комиссын гишүүд, сумын Засаг дарга нар, гамшгаас хамгаалах алба, мэргэжлийн ангийн дарга нар, иргэд, аж ахуйн нэгж, байгууллагын дарга, эрхлэгч, захирал нарт тус тус даалгасугай.

3. Аймгийн хэмжээний сургууль, цэцэрлэг, бүх шатны сургалтын байгууллагын үйл ажиллагааг 2020 оны 11 дүгээр сарын 17-ны өдөр хүртэлх хугацаанд түр зогсоож, хүүхдийг болзошгүй эрсдэлээс урьдчилан сэргийлэх арга

2.

хэмжээг төлөвлөж хэрэгжүүлэхийг Боловсрол, соёл урлагийн газар (Р.Батмөнх), Гэр бүл, хүүхэд, залуучуудын хөгжлийн газар (Н.Цээпилмаа), бүх шатны сургалтын байгууллагын захирал, эрхлэгч наарт тус тус үүрэг болгосугай.

4. Бүх нийтийн бэлэн байдлын зэрэгт шилжүүлсэнтэй холбогдуулан аймаг дотор ажиллах эргүүл жижүүрийн хуваарийг нэгдүгээр хавсралтаар, шаардлагатай үйл ажиллагааны зардлын жагсаалтыг хоёрдугаар хавсралтаар тус тус батласугай.

5."Маскаа зүүцгээе, гараа угаацгаая" аяныг эрчимжүүлж ариутгал халдвартгүйтгэлийг мэргэжлийн байгууллагын гаргасан зөвлөмжийн дагуу зохион байгуулж Коронавируст халдвэр (Ковид-19) цар тахлаас урьдчилан сэргийлэх, нийгэм, эдийн засагт үзүүлэх сөрөг нөлөөллийг бууруулах тухай хуулийн хэрэгжилтийг ханган ажиллахыг иргэд, аж ахуйн нэгж, албан байгууллагын дарга, эрхлэгч, захирал наарт даалгасугай.

6. Бүх нийтийн бэлэн байдлын үед хэрэгжүүлэх арга хэмжээг мөрдөж хариуцлагатай ажиллах, шаардлагатай тохиолдолд ажиллах хүч хэрэгслийн бэлэн байдлыг хангаж ажиллахыг аймаг, сумын онцгой комиссын гишүүд, алба, мэргэжлийн анги, томилгоот бүрэлдэхүүн, аж ахуйн нэгж, байгууллагын дарга, эрхлэгч, захирал наарт үүрэг болгосугай.

7. Захирамжийн хэрэгжилтэд хяналт тавьж ажиллахыг аймгийн Шуурхай штаб (Я.Эрхэмбаяр), Онцгой байдлын газар (З.Баттулга), Эрүүл мэндийн газар (Ц.Туяа), Цагдаагийн газар (М.Эрдэнэ-Очир), Мэргэжлийн хяналтын газар (Г.Гантулга), сумын Засаг дарга наарт тус тус үүрэг болгосугай.

8. Энэ захирамж гарсантай холбогдуулан аймгийн Засаг даргын 2020 оны 11 дүгээр сарын 11-ний өдрийн А/635 дугаар захирамжийг хүчингүй болгосугай.

